

5.1.6. UMUTWE WA VI: IYEREKANA KU BINYABIZIGA BIMWE NA BIMWE RY'AMAZINA, ICUMBI NA NUMERO YO MU GITABO CY'UBUCURUZI BYA BA NYIRABYO N'IYEREKANA RY'UMUBARE NTARENGWA WEMEWE N'ABAGENZI.

Ingingo ya 131:

1. *Izina, izina ry'ingereka n'igicumbi bya nyirayo bigomba kwandikwa ku buryo bugaragara imbere kandi ku ruhande rw'ibimoso h'ikinyabiziga bikurikira:*

- a. Ibinyabiziga bigendeshwa na moteri byikorera ibiro birenze 1.000 kandi bidatwara abantu gusa;
- b. Ibinyabiziga bikururuka;
- c. Ibinyabiziga bisunikwa n'abantu;
- d. Ibinyamitende bidasorerwa;

2. *Ikinyabiziga cyose gikoreshwa gusa mu mirimo y'ubucuruzi kigomba kwandikwaho, uretse ibyanditswe biteganyijwe mu gika cya 1 cy'iyi ngingo kandi ku buryo bugaragara, ahantu nyiracyo yandikiwe mu gitabo cy'ubucuruzi na numero ye nk'uko biteganyijwe n'ingingo ya 19 y'itegeko ryo kuwa 23 Ntarama 1971 ryerekeye igitabo cy'ubucuruzi.*

3. *Ikinyabiziga cyose kigenewe gutwara abantu bariha kigomba kwandikwaho, ku buryo bugaragara, ku rugo rw'umuyobozi no ku rugo cyangwa ku nzugi z'aho abagenzi binjirira, umubare ntarengwa w'abagenzi bashobora kugendamo, uwo mubare ntushobora kujya hejuru y'uwo uwakoze ikinyabiziga yagennye.*

✓ *Inyuguti n' imibara bigize inyandiko imaze kuvugwa bigomba kugira ubuhagarike buto ntarengwa bwa santimetero 4 naho imibyimba yabyo ikagira ubugari buto ntarengwa bwa milimetero 5.*

5.1.7. UMUTWE WA VII: UKUGENDERA MU MUHANDA KW'IBINYABIZIGA BYAHEREWE NUMERO IBIRANGA AHATARI MU RWANDA

Ingingo ya 132:

1. *Niba ikinyabiziga cyinjijwe mu gihugu kigomba kukigumamo cyemerewe kugendera mu muhandu cyambaye ibyapa ndanga by'igihugu giturutse, gipfa gusa kugira uruhusa mpuza-mahanga rwo kugendera mu muhandu cyangwa inyandiko irusimbura. Nyir'ikinyabiziga ategatswe kwerekana urwo ruhushya cyangwa izo mpushya igihe cyose umukozi ubigenewe azimusabye.*

- a) *Iyo nyir'ikinyabiziga afite ikarita ikiranga ikurikije ingingo ya 35 y'amasezerano mpuza-mahanga y'i Viyeni yo ku wa 8 Ugushyirye 1968 yerekanye kugenda mu muhandu, agomba akigera mu Rwanda kwereka iyo nyandiko umukozi ubufitiye ububasha kandi akandikisha ibyapa ndanga by'icyo kinyabiziga.*
- b) *Iyo karita iteganyijwe mu gika cya 1, a) cy'iyi ngingo idashoboye kwerekanwa, nyir'ikinyabiziga agomba akigera mu Rwanda, kandi mu gihe kitarenze iminsi 8, kwandikisha ibyapa ndanga n'ibiranga ikinyabiziga, agahabwa inyandukuro y'iyi nyandiko imara amezi atarenga atandatu amaze kuriha umusoro ugenwa n'iteka rya Minisitiri w'imari.*
- c) *Ikarita iranga ikinyabiziga cyangwa inyandukuro y'inyandiko bigomba kwerekanwa igihe cyose umukozi ubigenewe abisabye.*

2. *Uruhushya rwo kugenda mu gihugu igihe gito rutanzwe hakurikijwe ibiteganywa mu gika cya 1 kimaze kuvugwa haruguru rugira agaciro gusa igihe impapuro ziherekeza ikinyabiziga nazo zikigafite.*

3. *Ibinyabiziga byinjijwe mu gihugu bitagomba kukigumamo nyirabyo atifuza kubisubiza mu mahanga kubera impamvu iyo ariyo yose, bishobora igihe cyose kumenyekanishwa ko bikorera mu Rwanda no kuhafatira ibibiranga. Ntibishobora gutangirwa ubuntu cyangwa kugurishwa, bitabanje gukorerwa iyo mihango.*